

# FMHS, Jabatan Alumni dan Kerjaya UMS anjur Jerayawara Kebolehpasaran Graduan

VB 5.8.2019 A5

Oleh SADDAM EDRIS

KOTA KINABALU: Fakulti Perubatan dan Sains Kesihatan Universiti Malaysia Sabah (FMHS) bersama Jabatan Alumni dan Kerjaya UMS menganjurkan program Jerayawara Pameran Kebolehpasaran Graduan (GE) di Auditorium Utama fakulti itu.

Program berkenaan menerima penyertaan 100 peratus daripada 79 pelajar perubatan dan 49 orang yang akan menamatkan pengajian pada bulan November tahun ini.

Timbalan Dekan FMHS UMS Dr Yeap Boon Tat berkata, objektif utama program itu adalah untuk mendedahkan khalayak mengenai isu pengangguran siswazah di Malaysia secara keseluruhan, termasuklah kadar GE yang masih rendah dalam kalangan graduan UMS.

“Walaupun FMHS adalah tiga fakulti terbaik dengan kadar GE yang tinggi, kadar ini menurun perlahan-lahan dari 100 peratus pada tahun 2003 menjadi 89.2 peratus pada 2018.

“Kami telah mengenal pasti faktor-faktor yang menyumbang kepada angka rendah ini, dan salah satunya adalah pelajar keliru mengisi borang soal selidik yang disediakan oleh Kementerian Pendidikan.

“Jadi jerayawara ini sesuai membantu pelajar yang bakal menamatkan pengajian mereka di FMHS UMS tidak lama lagi dan kami ingin memberi mereka gambaran penting mengenai langkah-langkah meningkatkan GE UMS,” katanya ketika berucap merasmikan jerayawara itu di sini.

Dalam pada itu, Yeap mencadangkan graduan perubatan yang belum mendapat penempatan supaya meningkatkan kemahiran dengan menimba pengalaman dari pekerjaan lain buat sementara yang boleh menghasilkan pendapatan.

Katanya, mereka juga boleh melanjutkan pengajian dalam bidang Masters of Science di FMHS UMS untuk membantu pensyarah melaksanakan penyelidikan.

“Kami mahupunk FMHS kami menjadi yang berkualiti tinggi dan baik sama ada dalam bentuk kemahiran



**PELAJAR FMHS UMS merakam gambar kenangan bersama tetamu kehormat pada majlis perasmian program itu.**

biasa atau kemahiran yang boleh dipindah milik.

“Ini sesuai untuk dilaksanakan semasa mereka mempunyai masa lapang. Begitu

juga dengan graduan kejururawatan yang perlu terus berusaha mencari pekerjaan untuk meningkatkan kebolehpasaran mereka,” katanya.

Turut hadir, Pegawai Perhubungan Jabatan Alumni dan Kerjaya UMS merangkap penceramah program Abdul Haidy Abdul Hamid.